



**S**o ich foren mit den seulen hab angefangen/will ich eyn wenig weiter dar von schreiben  
 Gar mancherley weis mügen die seulen gemacht werden/ vnd nach dem sie tragen sollen  
 so vil müssen sie stercker sein Etlich machen den seulen fuß vnd haubter / aber eyntelchs ma  
 chen nur Pfeiler die aus dem grunde stechen / vnd in der höch teylt man ihre theyl auß zu den  
 pögen der gewelb / oder man leß den Pfeiler für streichen / vnd besunder zird der bögen darein laufs  
 fen / wie sich dann das begibt das etwan eyn stab in eyn holzelen / vnd eyn widerwerdigs durch das  
 ander schleust / wer dem recht thut / sieht es frembd vnd wercklich wie das die künstreichen bawleut  
 wol wissen / in solche Pfeiler mag auch mancherley verkerung der holzelen stebe vnd fassen ecke vnd  
 winkel gebraucht werden. Aber dise ding müssen im grund ordenlich auffgerissen vnd darnach  
 aufgezogen werden. Es mügen vier Pfeiler gegen eynander gesetzt werden eyner groß / vnd eyn yst  
 licher sein sunder zird im grund haben / so die aufgezogen vnd auß der Pfeiler teyl eyn gewelbges  
 schlossen wirdt / sieht das gar wunderlich / wer aber mer lieb zu gleichen dingen hat der gebrauch  
 sich des feins gefallen. Nach dem aber vil sind die grosse lieb haben zu seltsamen reychungen  
 in den gewelben zu schliessen / von wolstandes wegen / den wil ich vnden eyne oder zwo auffreissen/  
 ob die ymandt gefelt der mag sich irer gebrauchen. Auch will ich etlich grund zu den Pfeilern ma  
 chen vnd auffreissen.

Des gleichen etliche vberschieffte gestims die man vnden zu den Pfeilern braucht / hoch oder ni  
 der ob dem estrich. In dem hab eyn ystlicher selb auff die recht maß acht / dann solten alle ding nach  
 der leng auffgeschriben werden / würd dis büchlein gar zu lang. Vnd welche grund mit eyn  
 sachen rissen zogen sind die sollen doch vnden in iren anfangen in rechter maß beleibet vnd verleistet  
 werden wie das die auffgerissnen gestims hernach anzeygen / man mag auch die Pfeiler von allers  
 ley ecken machen vnd zird darein bringen wie man will.



**S**o man aber von dem ganzen bauwerck oder seinen teylen reden wil / acht ich es sey keynem  
 berümbten baumeyster oder werckman verporgen wie künstlich vñ meystelich der alt Rö  
 mer Vitruuius in seinen Büchern von der beständigkeyt / nutzbarkeyt / vnd zirden der ges  
 bew geschriben hab / der halb ime auch vor andern zu folgen vnd sich seynner lcz zu brauchen ist.  
 So ich aber yso für nit eyn seulen oder zwo leren zu machē für die jungen gesellen / sich darin zu  
 vben / so bedenk ich der deutschen gemüt / daß gewönlich alle die etwas newes bawen wollen / wols